

RT BENTUK BARU 1 JAN Bercantum dengan Perhubungan Masyarakat

Oleh AHMAD PUAD ONAH

KUALA LUMPUR, Jumaat — Kerajaan hari ini mengumumkan rombakan dan penyusunan semula skim Rukun Tetangga dan Perhubungan Masyarakat dengan mencantumkan kedua aktiviti sosial dan keselamatan itu di bawah pentadbiran satu jabatan di Jabatan Perdana Menteri.

Timbalan Perdana Menteri, Datuk Musa Hitam mengumumkan, dengan rombakan itu yang akan dilaksanakan mulai 1 Januari depan, semua sektor Rukun Tetangga dan kawasan Majlis Perhubungan Masyarakat akan disusun semula.

Di bawah rombakan itu, seluruh negara akan dibahagikan kepada tiga kategori kawasan dan jawatankuasa sukarela dilantik menguruskan skim baru itu tetap dikenali sebagai Rukun Tetangga.

Kategori Satu terdiri dari kawasan yang dianggap aman dan tenteram.

Di kawasan tersebut, pendaftaran penduduk tempatan dan rondaan RT akan dimansuhkan. Sebaliknya,

aktiviti Perhubungan Masyarakat yang menitik-beratkan amalan kejiiran, perpaduan dan muhibah akan diteruskan.

Kategori Dua terdiri dari kawasan di mana keadaan aman dan tenteram dianggap telah mula merosot.

Di kawasan-kawasan ini, pendaftaran penduduk tempatan akan dikenakan tetapi tanpa rondaan RT. Aktiviti Perhubungan Masyarakat juga diteruskan.

Kategori Tiga pula terdiri dari kawasan yang dianggap keamanan dan ketenteramannya terancam atau tidak wujud langsung.

Di kawasan-kawasan tersebut, ketiga-tiga aktiviti iaitu pendaftaran penduduk tempatan, rondaan RT dan kegiatan Perhubungan Masyarakat akan dilaksanakan.

Datuk Musa memberitahu satu sidang akhbar di Bilik Gerakan Negara di sini, beberapa pindaan kepada peraturan-peraturan dan undang-undang kedua-dua skim itu yang sedia ada telah siap dibuat dan diluluskan oleh kabinet.

Bagaimanapun, tempoh tiga bulan diberikan untuk menyelesaikan urusan pendaftaran skim baru itu termasuk penubuhan jawatankuasa, menentukan kategori kawasan dan menerangkan konsep tersebut kepada rakyat sebelum dilaksanakan mulai 1 Januari.

Sementara itu, skim yang ada sekarang akan terus berjalan.

Datuk Musa berkata, ketetapan mengenai kategori kawasan akan dibuat oleh pihak-pihak berkuasa termasuk polis.

Bellau juga menjelaskan, pene-tangan sesuatu kawasan itu tidak tetap dan boleh ditukar.

"Sebagai contoh sebuah kawasan yang diletakkan dalam kategori tiga boleh diubah ke kategori dua atau satu jika pihak berkuasa mendapati keadaan keselamatannya bertambah baik", ujarnya.

Timbalan Perdana Menteri berkata, skim Rukun Tetangga yang dilaksanakan mulai akhir tahun 1975 menunjukkan kesan-kesan baik terhadap memupuk semangat ke-

masyarakatan.

"Kerajaan mengambil keputusan merombak semula skim tersebut memandangkan beberapa masalah yang dihadapi dalam melaksanakannya."

"Di samping itu, skim tersebut dipadamkan menjalankan aktiviti yang sama dan bertindak dengan Majlis Perhubungan Masyarakat", jelasnya.

Bellau mengakui kedua skim tersebut telah dapat mewujudkan semangat kejiiran dan mengkeratkan hubungan antara masyarakat berbilang kaum serta meningkatkan keadaan keselamatan sesuatu kawasan.

Bagaimanapun, beberapa fakta yang wujud seperti suasana fizikal dan keadaan masyarakat tempatan menyebabkan pelaksanaan skim yang sedia ada tidak lagi praktikal.

Pada masa ini Jabatan Rukun Tetangga dan Perpaduan Negara terletak di bawah pengawasaan Timbalan Menteri di Jabatan Perdana Menteri, Dr. Goh Cheng Teik, yang turut hadir di sidang akhbar tersebut bersama Ketua Pengarah jabatan itu, Datuk Zahari Abdul Rashid.



DATUK MUSA HITAM: Skim Rukun Tetangga yang dilaksanakan akhir tahun 1975 menunjukkan kesan yang baik memupuk semangat kemasyarakatan.